

اتوار 31 اگست، 2025

مضمون۔ مسیح یسوع

سنہری متن: 1 یوحنا 3 باب 18 آیت

”اے بچو! اسی کلام تے زبان ای نال نہیں بلکہ کم تے سچائی دے راہیں وی پیار رکھیے۔“

جوابی پڑھائی: افسیوں 5 باب 1، 2 آیات

گلتیوں 3 باب 26 توں 28 آیات

1۔ ایس لئی پیارے فرزندوں وانگر رب ورگے بنو۔

2۔ تے پیار نال چلو۔ جیویں مسیح نے تہاڈے نال پیار کیتا تے ساڈے لئی اپنے آپ نوں خوشبو وانگر رب دی نذر کر کے قربان کیتا۔

26۔ کیوں جے تسی سارے اوس ایمان دے راہیں جیہڑا مسیح یسوع وچ اے رب دے پتر او۔

27۔ تے تسی سارے جنہاں نے مسیح وچ شامل ہووون دا پستسمہ لیا مسیح نوں پالیا اے۔

28۔ نہ کوئی یہودی رہیا نہ یونانی۔ نہ کوئی غلام نہ آزاد۔ نہ کوئی بندہ نہ کوئی بُڈھی کیوں جے تسی سارے مسیح وچ اک او۔

درسی وعظ

بائبل وچوں

1- 1 یوحنا 3 باب 7 آیت

7- اے بالو! کسے دے دھوکے وچ نہ آؤنا۔ جیہڑا ر استبازی دے کم کردا اے اوہ ای اوہدے وانگر ر استبازا اے۔

2- 1 سلاطین 3 باب 3 (تو:)، 5 توں 7 (توں دوجی)، 9 (توں دل)، 11، 12 (تو:،) آیتاں

3- تے سلیمان خداوند نال پیار کرداتے اپنے پیو دادے دے آئین اُتے ٹردا سی۔

5- جبعون وچ خداوند رات دے ویلے سلیمان نوں سفنے وچ وکھالی دتا تے خداوند نے آکھیا مگ میں تینوں کیہ دیوال۔

6- سلیمان نے آکھیا توں اپنے خادم میرے پیو داؤد اُتے بڑا احسان کیتا اے ایس لئی پئی اوہ تیرے حضور ر استی تے صداقت دے نال سدھے دل توں چلدا رہیا تے توں اوہدے لئی ایہہ وڈھا احسان رکھیا ہو یا سی پئی توں اوہنوں اک پتر دتا جیہڑا اوہدے تخت اُتے بیٹھے جیویں اج دے دن اے۔

7- تے ہن اے خداوند امیرے ر با! تو اپنے خادم نوں میرے پیو داؤد دی تھاں بادشاہ بنایا اے تے میں چھوٹا منڈا ای آں تے مینوں باہر جان تے پرت کے آؤن دی وی سیان نہیں۔

- 9- ایس لئی تُوں اپنے خادم نوں اپنی قوم دانیاں کرن لئی سمجھن والادل دے تاں جو میں چنگے تے مندے وِچ اڈھ کر سکا کیوں جے تیری ایس وڈھی قوم دانیاں کون کر سکدا اے؟
- 10- تے ایہہ گل رب نوں پسند آئی پئی سلیمان نے ایہہ شے منگی۔
- 11- تے رب نے آکھیا پئی کیوں جے تو ایہہ شے منگی تے اپنے لئی لمی عمر دی درخواست نہیں کیتی تے نہ اپنے لئی دولت داسوال کیتا تے نہ اپنے دشمن دی جان منگی بلکہ نیاں کرن لئی تو اپنے لئی عقلمندی دی درخواست کیتی اے۔
- 12- ایس لئی ویکھ میں تیری درخواست دے مطابق کیتا۔ میں تینوں اک سیان تے سمجھن والادل وِتا بیچ داپئی تیرے ورگانہ کوئی تیرے توں پہلاں جیسا تے نہ تیرے بعد تیرے ورگا کوئی آئے گا۔

3- واعظ 4 باب 13 آیت

13- مسکین تے سیانا منڈا اوس بڑھے بے وقوف بادشاہ نالوں جنسے نصیحت سننا جھڈ دتا چنگا اے۔

4- یوحنا 10 باب 23 توں 30 آیتاں

- 23- تے یسوع ہیکل دے اندر سلیمانی بر آندے وِچ ٹر پھر رہیاسی۔
- 24- ایس لئی یہودیّاں نے اوہدے آلے دوالے اکٹھے ہو کے اوہنوں آکھیا توں کدوں تیکر ساڈے دلاں نوں ڈانواں ڈول رکھیں گا؟ جے توں مسیح ایس تے ساہنوں صاف آکھ دے۔
- 25- یسوع نے اوہناں نوں آکھیا میں تے تہانوں آکھ دتا پر تسی یقین نہیں کردے۔ جیہڑے کم میں اپنے پیو دے ناں توں کرداں واں اوہ ای میرے گواہ نیں۔

26۔ پر تسی ایس لئی یقین نئیں کردے پئی تسی میریاں بھیدیاں وچوں نئیں او۔

27۔ میریاں بھیدیاں میری آواز سن دیاں نئیں تے میں اوہناں نوں جان داواں تے اوہ میرے مگر مگر ٹردیاں نئیں۔

28۔ تے میں اوہناں نوں ہمیشہ دی حیاتی بختہ داواں تے اوہ ہمیشہ تیکر کدی ہلاک نہ ہون گیاں تے کوئی اوہناں نوں میرے ہتھ توں کھونہ لوے گا۔

29۔ میرا پیو جسے مینوں اوہ دیتاں نئیں ساریاں توں وڈھاے تے کوئی اوہناں نوں میرے پیو دے ہتھوں کھونئیں سکدا۔

30۔ میں تے پیواک واں۔

5۔ متی 18 باب 2 توں 10، 6 توں 14 آیتاں

2۔ اوہنے اک بال نوں اپنے کول بلا کے اوہنوں اوہناں دے وچکار کھڑا کیتا۔

3۔ تے آکھیا میں تہاں سچ آکھداں پئی جے تسی توبہ نہ کرو تے بالاں وانگر نہ بنو تے اسمان دی بادشاہی وچ بالکل داخل نہ ہوو گے۔

4۔ ایس لئی جیہڑا کوئی اپنے آپ نوں ایس بال وانگر نگاہ بناوے گا اوہ ای اسمان دی بادشاہی وچ وڈھا ہووے گا۔

5۔ تے جے کوئی اجیہے بال نوں میرے ناں اُتے قبول کر دااے اوہ مینوں قبول کر دااے۔

6۔ پر جے کوئی ایہناں نکیاں وچوں جیہڑے میرے اُتے ایمان لیائے نئیں کسے نوں ٹھوکر کھو اوں دااے اوہ دے لئی ایہہ چنگاے پئی وڈھی چکی دا پاٹ اوہ دے گلے وچ پایا جاوے تے اوہ ڈونگے سمندر وچ ڈبو دتا جاوے۔

10۔ خبردار ایہناں نکیاں وچوں کسے نوں ناچیز نہ سمجھو کیوں جے میں تہاں آکھداں پئی اسمان اُتے اوہناں دے فرشتے میرے اسمانی پیو دا مونہہ دیکھدے نئیں۔

ہائیکل والا یہ سبقتیں پلٹیں فیائد کر سچن جیوچر، آزاد اولوں تیار ہو یاے۔ ایہہ گنگ جیہیز بائیکل دیاں آتیاں تے میری بیکرا ایڈمی دی لکھی ہوئی کر سچن سائنس دی درسی کتاب، ”سائنس تے صحت آتیاں دی گنجی دے ناں“ وچوں لیاں ہونیاں لازمی تحریر ناں بنیاے۔

- 4- کیوں جے رب دی پیدا کیتی ہوئی ہر شے چنگی اے تے کوئی شے انکار دے قابل نئیں پر شرط ایہہ اے پئی شکر گزاری نال کھادی جاوے۔
- 5- ایس لئی پئی رب دے کلام تے دعا نال پاک ہو جاندی اے۔
- 6- جے توں بھرانوں نوں ایہہ گلاں یاد دوانویں گاتے مسیح یسوع دا چنگا خادم ٹھہریں گاتے ایمان تے اوس چنگی تعلیم دیاں گلاں نال جیدی توں پیروی کردار ہیا ایں پرورش پانداریاں گاتے۔
- 10- کیوں جے اسی محنت تے جانفشانی ایس لئی کردے آں پئی ساڈی آس اوس جیوندے رب اُتے لگی اے جیہڑا سارے بندیاں دا خاص کر کے ایمانداراں دا منجی اے۔
- 11- ایہناں گلاں دا حکم تے تعلیم دے۔
- 12- کوئی تیری جوانی دی بے عزتی نہ کرے بلکہ توں ایمانداراں لئی کلام کرن تے چال چلن تے پیار تے ایمان تے پاکیزگی وچ نمونہ بن۔
- 13- جد تیکر میں نہ آں پڑھن تے نصیحت کرن تے تعلم دین ول دھیان رکھ۔
- 14- اوس نعمت توں بے خبر نہ رہ جیہڑی تینوں ملی اے۔
- 15- ایہناں گلاں دی فکر کر ایہناں وچ ای مصروف رہتاں جو تیری ترقی ساریاں اُتے ظاہر ہووے۔
- 16- اپنی تے اپنی تعلیم دی خبر داری کر۔ ایہناں گلاں اُتے قائم رہ کیوں جے ایج کرن نال توں اپنی تے اپنے سنن والیاں دی وی مکتی دا وسیلہ ہونویں گاتے۔

9۔ رومیوں 15 باب 5 توں 7 آیتاں

- 5- تے رب جیہڑا صبر تے تسلی دا چشمہ اے تہانوں ایہہ توفیق دیوے پئی مسیح یسوع دے مطابق آپس وچ اک دل رہو۔

6- تاں جو تسی اک دل تے اک زبان ہو کے ساڈے خداوند یسوع مسیح دے رب تے باپ دی وڈیائی کرو۔

7- ایس لئی جیویں مسیح نے رب دے جلال لئی تہانوں اپنے نال شامل کر لیا اے او سے طراں تسی وی اک دو جے نوں شامل کر لو۔

سائنس تے صحت

1- 9-3:18

یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھارا اے۔ اوہدا مشن انفرادی تے اجتماعی دونوں سی۔ اوہنے حیاتی دامناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا اے، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔

2- 28:51 (توں)

یسوع بے غرض سی۔

3- 2-1:52 (توں پہلا) 19-28

اوہ اپنی جوانی دے شروع توں ای ”پیو دے کم“ وچ پئے گیا سی۔

”ڈکھی بندہ“ مادی حیاتی تے ذہانت دے عدم نوں تے قادر جامع رب، چنگیائی دی قادر اصلیت نوں چنگی طراں سمجھدا اے۔ شفا ئیہ سیان یا کر سچن سائنس دے ایہہ افضل نکلتے نیں جنہاں نے اوہنوں محبت نال لیس کیتا۔ رب دے اعلیٰ ترین نمائندے نے، الہی اصول دی عکاسی لئی انسانی قابلیت دے بارے گل کردیاں ہوئے، اپنے چیلیاں نوں پیش گوئی دے طور تے نہ صرف اپنے دور بلکہ ہر دور لئی آکھیا: ”جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا؛“ تے ”ایمان لیاوون والیاں دے وچالے ایہہ معجزے ہون گے۔“

4- 10:54-1

اوہنے انسانی حیاتی دی عظمت دے پاروں الہی حیاتی نوں ظاہر کیتا۔ اوہدے خالص خلوص دی وسعت دے پاروں اوہنے محبت دی وضاحت کیتی۔ سچیائی دی فراوانی نال اوہنے غلطی نوں جتیا۔ جگ نے، ایہہ نہ دیکھدیاں ہوئے، اوہدی راستبازی نوں قبول نہ کیتا، بلکہ دھرتی نوں اوہ ہم آہنگی نصیب ہوئی جنہوں اوہدے جلالی نمونے نے متعارف کرایا سی۔

اوہدی تعلیم تے نمونے مگر ٹرن نوں کون تیار اے؟ ساریاں نے چھیتی یا کجھ چر بعد مسیح یعنی رب دے اصلی تصور وچ اپنے آپ نوں جوڑنا ایں۔

5- 11:63 (وچ) 11-

سائنس وچ انسان روح دی اولاد اے۔ اوہد انسب سوہنا، چنگیائی تے پاکیزگی بناؤندی اے۔ اوہدا اصل، بشر وانگر، وحشی فطرت وچ ننیں تے نہ ای اوہ ذہانت تیکر اپڑن توں پہلاں مادی حالتاں وچوں لنگدا اے۔ روح اوہدی ہستی دا پہلا تے اصلی منبع اے؛ رب اوہدا پیو اے، تے حیاتی اوہدی ہستی دا قانون اے۔

6- 25-9:130

جے اصلیت رب، الہی اصول، دے نال پورے طور تے ہم آہنگی وچ اے تے شک کرنا بے وقوفی ہووے گی، جے سائنس، جد سمجھی جاوے تے ظاہر کیتی جاوے، ساری مخالفت نوں نیست کردی اے، کیوں جے تسی من لیندے او پئی رب قادر مطلق اے؛ کیوں جے ایس نیوں اُتے ایہہ گل سامنے آؤندی اے پئی چنگیائی تے ایہدیاں مٹھیاں مخالفتاں وچ ساری قدرت پائی جاندی اے۔

کر سچن سائنس، مناسب طور تے سمجھی جا کے، انسانی سیان نوں اوہناں مادی عقیدیاں دی غلط فہمی نوں دور کرے گی جیہڑے روحانی اصلیتاں دے نال جنگ کر دے نیں؛ تے سچیاں نوں تھان دین لئی ایہناں مادی عقیدیاں دا انکار کیتا جانا تے ایہناں نوں باہر کڈھیا جانا چاہیدا اے۔ اوس پانڈھے وچ تسی ہور ننیں پاسکدے جیہڑا پہلاں ای بھریا ہووے۔ مادے اُتے کسے سیانے بندے دے ایمان نوں چنچھوڑن لئی تے رب اُتے ایمان دا بیج بون لئی، یعنی بدن نوں ہم آہنگ بناؤن لئی روح دی قابلیت پیدا کرن لئی، لکھاری نے کئی واری ساڈے استاد دے بالاں دے نال پیار نوں یاد کیتا، تے ایہنوں بوہت سچ سمجھیا پئی اسمان دی بادشاہی اوہناں دی اے۔

7- 6-23:236

والدین نوں اپنے بالاں دی حیاتی دے شروع وچ ای صحت تے پاکیزگی دیاں سچیاں دی تعلیم دینی چاہیدی اے۔
بال وڈھیاں دے مقابلے وچ بوہتے قابل عمل ہندے نیں تے اوہ بوہتے سوکھے طریقے نال اوہناں سادہ اصلیتاں
نوں پسند کردے نیں جیہڑیاں اوہناں نوں خوش تے چنگے بناؤندیاں نیں۔

یسوع نے بریائی توں اوہناں دی آزادی تے چنگیائی دی قبولیت دے پاروں نکلے بالاں نوں پیار کیتا۔ کیوں جے عمر دو
صلاحوں دے وچکار تھاں رکھدی اے یا جھوٹے عقیدیاں نال لڑائی کردی اے، جوانی سچیاں ول آسانی نال تے تیزی
نال قدم وھداؤندی اے۔

اک نکی پنچی نے، جیہڑی کدی کدی میریاں گلاں سن دی اے، بوہت بھیسڑے طریقے نال اپنی انگلی زخمی کروائی۔
ایہ چنگی جیویں اوہنوں پتائیں چلیا کسے دے بچھن پاروں اوہنے بوہت سادگی نال جواب دتا، ”مادے وچ کوئی احساس
نئیں ہندا۔“ ہسڈیاں اکھیاں نال دوڑدی نسدی، اوہنے بس ایہناں ای آکھیا، ”ماما، میری انگلی اک نکا جیہاز خم نئیں
اے۔“

8- 9-26:322

مادے دی فرضی حیاتی اُتے عقیدے دے تیز ترین تجربے، ایہدے علاوہ ساڈیاں مایوسییاں تے نہ مکن والیاں پریشانیاں
ساہنوں الہی محبت دیاں بانہواں وچ تھکے ہوئے بچیاں وانگر اپڑاندے نیں۔ فیر اسی الہی سائنس وچ حیاتی نوں سکھنا
شروع کردے آں۔ رہائی دے ایس عمل توں بغیر، ”کیہ توں لبھن نال رب نوں پاسکدا ایس؟“ کسے بندے دا اپنے
آپ نوں غلطی توں بچان دی بجائے سچیاں دی تاہنگ کرنا بوہتا سوکھا اے۔ انسان کر سچن سائنس دی سیان نوں لبھ
سکدے نیں، پر اوہ کر سچن سائنس وچوں ہستی دیاں حقیقتاں نوں کوشش دے بغیر چنن دے قابل نئیں ہون گے۔
ایہہ اختلاف ہر طراں دی غلطی نوں چھڈن تے چنگیائی دے علاوہ کوئی دوجا شعور نہ رکھن دی کوشش کرن نال بنیا
اے۔

محبت دی صحت دین والی ملامت دے راہیں راستبازی، امن تے پاکیزگی ول ساڈے ودھن وچ مدد کیتی جاندی اے، جیہڑے سائنس دے امتیازی نشان نیں۔

9- 6:259 (وچ)-14

الہی سائنس وچ انسان رب دی اصلی شبیہ اے۔ الہی فطرت نوں مسیح یسوع وچ بوہت چنگے طریقے نال بیان کیتا گیا اے، جنہے انساناں اُتے رب دی بوہت مناسب عکاسی ظاہر کیتی تے ماڑی سوچ دے نمونے توں وڈھی معیار زندگی فراہم کیتی، یعنی اجیہی سوچ جیہڑی انسان دے ڈگن، بیماری، پاپ کرن تے مرن نوں ظاہر کردی اے۔ سائنسی ہستی تے الہی شفا دی مسیح ورگی سمجھ وچ کامل اصول تے خیال، کامل رب تے کامل انسان، سوچ تے اظہار دی نیوں دے طور تے شامل ہوندے نیں۔

10- 16:37-17-22-25

یسوع دا اقرار کرن والے اوہدے پیر وکار اوہدیاں راہواں مگر ٹرناتے اوہدے وڈھے کماں دی نقل کرن کدوں سکھن گے؟

ایہہ ممکن اے، ہاں اے ہر بچے، مرد تے عورت دی ذمہ داری تے حق اے پئی اوہ حیاتی تے سچیائی، صحت تے پاکیزگی دے اظہار دے پاروں مالک دے نمونے دی کسے حد تیکر پیروی کرن۔

11- 26-21:227

کر سچن سائنس آزادی نوں اُچا کر دی تے چیکدی اے پئی: ”میرے مگر ٹرو! بیماری، پاپ تے موت دے بندھناں توں بچو!“ یسوع نے راستہ سدھا کیتا اے۔ جگ دے واسیو! ”رب دے بچیاں دی جلالی آزادی“ نوں قبول کرو، تے آزاد ہوو! ایہہ تہاڈا الہی حق اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں غلط

بائبل دا ایہہ سبق پلین فیلڈ کرچن چرچ، آزاد ولوں تیار ہو یا اے۔ ایہہ کنگ جیمز بائبل دیاں آیتاں تے میری بیکریڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔